



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Capvt XXIX. Idem Episcopo a Bajocensi.

[urn:nbn:de:hbz:466:1-74544](#)

C A P V T XXIX.

Idem Episcopo a Bajocensi.

QVia intentionis nostra non extitit, ut per innovationem, quam fecimus cuiusdam scripti monasterii sancti Stephani^b Cadom, quod in Registro bona memoriae Alexandri Papæ prædecessoris nostri reperimus contineri, derogaretur iuri Ecclesiae Bajocensis, cum innovatione nec jus^c novum conferat, nec etiam tollat vetus: totum in eo statu esse volumus, in quo tempore innovationis imperata dignoscitur extitisse. Cæterum per hoc nullum intendimus juri alijs eidem monasterio competenti præjudicium generari.

N O T Æ.

Yepes tom. 6. chron. D. Benedicti, cent. 6. anno 1020.
cap. 2. per tot.

1. **a** Bajocensi.) Ita etiam legitur in quinta compilatione, sub hoc tit. cap. 5. id est Roberto de Ablagel, qui feliciter certavit cum hæreticis Albigensibus. De diœcesi Bajocensi nonnulla adduxi in cap. 18. de offic. Ordin.

2. **b** Cadomensi.) Cadomense hoc monasterium est Normandie, in diœcesi Bajocensi, Ordinis Divi Benedicti; quod construxit, & ample dota vit Guillelmus Rex Angliae, atque Romani Pontifices magnis privilegiis decorarunt, exemptione illi concessâ à Bajocensi jurisdictione, ut refert

c Novum.) Probavi suprà in cap... & consonet omnino textus in cap 2. de fide instrum. in 5. compil. ubi idem Honorius ita statuit: Licet olim innovaverimus privilegium felicis memoriae Calixti Papæ prædecessoris nostri Ecclœ S. Ioannis Bifunt, concessum, presenti tamen paginâ declaramus, quod nostra intentionis non fuit, ut jus Ecclesie per hoc in aliquo laderetur, cum per innovationem hujusmodi non acquiratur jus novum, sed antiquum solūmodo conservetur; unde presentes literas super hoc vobis in testimoniū duximus concedendas.

C A P V T XXX.

Idem Episcopo a Parisiensi.

IN his, quæ ad cultum divinum facere dignoscuntur, non maligna, sed benigna potius esset interpretatio facienda: unde mirari compellimur, quod cum fratribus Minoribus duxerimus indulgendum, ut ubicunque fuerint, sine parochialis juris præjudicio cum altari viatico celebrare: quidam, sicut nuper fuit propositum coram nobis nimis strictè interpretando indulgentiam, nituntur afferere, quod per eam prædicti Fratres præter Episcoporum, Abbatum, & aliorum Prælatorum assensum facere hoc non possint, propter quod eos celebrare juxta indulgentiam Apostolicam non permittunt. Cum autem, si res taliter se haberet, nihil eis conferret indulgentia memorata, sine qua id Episcopis, & aliis Prælatis annuentibus licet eisdem fraternitatì tuæ mandamus, quatenus interpretatione hujusmodi reprobatâ, dum tamen ab aliis, qui à jure parochiali proveniunt, se prorsus abstineant, datam eis sic licentiam celebrandi auctoritate nostra non differas publicare, ita quod dicti Fratres aliquam ex indulgentia nostra videantur in hoc gratiam consequi.

N O T Æ.

1. **a** Parisiensi.) Ita legitur in quinta compilatione, sub hoc tit. cap. 6. De Ecclœ Parisiensi nonnulla adduxi, in cap. final. de confit.

2. **b** Minoribus.) Et Prædicatoribus, addit Gregorius IX. in præsenti, nam in hoc textu tantum Honorium agere de privilegio concessio Fratribus Minoribus, constat ex c. 7. de celebrat. Missar. in 5. compil. ubi idem Honorius eidem Episcopo Parisiensi ita scribit. Non debent Ecclœiarum Prælati, quibus religionem plantare conuenit & fore, viros religiosos persequi, & eis super his maximè, quæ ad divinum cultum pertinent, obviare. Acceptimus sane, conquerentibus dilectis filiis Ministris Ordinis Fratrum Minorum Francie, quod quidam Prælatorum regionis illius occasione privilegiorum, quæ se habere proponunt, aliqui mero suo dumtaxat arbitrio predictis Fratribus inhibere presumunt, ne ubi degunt, valeant secundum

nostram indulgentiam cum altari viatico solennia celebrare Missarum, in eos, & hospites suos in maiorem Apofolicā Sedis injuriam, & contemptum excommunicationis sententiam promulgantes. Quamquam præfati Fratres ab omni jure parochiali contineant manus suas. Quia vero debemus religiosas fore personas, & maximè dicti Ordinis Fratres, qui relidis omnibus Christum sequuntur, pro eo esse pauperes, & in paupertate vivere continua eligentes, ac decet nos Apostolicas indulgentias observare: s. t. quatenus auctoritate nostra inhibeas generaliter Prælati regionis ejusdem, ne de cetero se excommunicent dictos Fratres & hospites corandem, nec aliquo modo impedian, quominus Fratres ipsi dicta indulgentia possint uti: quia non impunè deinceps talia facerent, cum non possumus injurias pauperum Christi, & servorum eius inquietudinem equanimitate sustinere.

Commentarium hujus textus in cap. 1. de cons. fecr. Ecclœ. dedimus.

CAPUT